

OMUSHOMO GW'OKWEGA BAIBULI

EKICWEKA KYA III
ENDAGAANO ENSYA

(*Noyikirizibwa kwozyamu ekindi kitabo kukikozesa nk'omuntu buntu nari nk'ekanisa. Endijo miringo y'okwogyesamu, nk'okugura omubwingi, nari okuguza, tikuri kwikirizibwa.*)

**Omushomo
gw'okwega baibuli, ekicweka kya III, Endagaano Ensyā**

Kikahandiikwa Rosemary P. Nelsen
540 Fairview Avenue, Ripon, WI 54971
rosemarypricenelsen@gmail.com

Bachelor of Science: Education
University of Wisconsin, Oshkosh, WI. Spring, 1972

Elementary Teacher, Washburn, WI, 1972-1977

14 graduate credits from Columbia Graduate School of Bible and Missions,
Columbia, S.C., Fall, 1977

Newspaper Reporter/Bureau Chief, Oshkosh Northwestern
Berlin and Ripon Bureaus, 1978-1996

Multiple Church Offices including Christian Education Chairman, Women's
Ministry Chairman, Prayer Chairman and frequent Bible Study Leader, Sunday
School Teacher etc.

Covers period of 1972 to current

Edited by

Lois E. Gloyd

421 E. Jackson Street, Ripon, WI 54971
legloyd@gmail.com

Associate Degree: Computer Technology 1991
Moraine Park Technical College
Fond du Lac, WI

Employed at Lutheran Homes of Oshkosh 1991 – 2015

Has had articles published in:

Country Magazine

Feb/March 1999

GreenPrints Magazine

Spring 2005 and Autumn 2013

Upper Room Devotional Guide

July/Aug 2002 and March/April 2010

Akwataniise na **Sweeter than Honey Ministries** omu 2012
Ekigyendererwa kyaitu n'okwegyesa Baibuli hamwe n'ekigambo kye, ekireije
kuhwera omukukura omu bya Baibuli kurabira omu "kugarurwa busya
kw'entekateeka zaitu" ekireije kutwebembera omu kuroza n'okuhamya
"Okukunda kwa Ruhanga" omu magara gaitu.
"*Ebigambo byaawe kani binurira, Nibunurira munonga kukira obwoki.*"
Zaab. 119:103 NIV

Ekitabo eki kihandikire omu muringo oguri kwikiriza omwegi kureeba ekishani ekihango kandi akakicwamu ebicweka eby'omugasho. N'oshabwa kureeba enkora y'ekitabo eki kyoona otakatandikire kukyegyeramu nari, kukishomesezamu. Omuringo ogw'okwegamu ebitabo by'Endagaano Ensyा (4, 1, 13, 1, 7, 1) niyo omuhandiiki yakozeise.

Ebicweka ebi biteirwe omumitendera kwenda ngu omwegi abaasa kumanya nikitabo ki eki ari kushoma. (Emitendera egi nemanywa gye omunsi ya Baibuli yoona)

Eky'okureberaho, Abarooma n'ebaruha y'Ekanisa, kandi Timiseo I & II n'ebaruha z'obuburizi. Petero y'okubanza neya omutendera gwa amabaruha goona. Omushomo ogu, tiguri kuhereza okushobora kurenga ahari buri kitabo. Kureka, n'engyero y'okwijuka buri kitabo kurabira omu bigambo bikye, emishororongo mikuru, nari omu rurengo ahu kiri kwiziramu.

Abari kushomesa ebi nibabaasa kuhindura ebicweka ebimwe by'omushomo ogu kubarabe beine obukugu omu mishororongo y'ebitabo kandi barikubaasa kushoborora gye ebigambo ebikuru.

Omushomo ogu tigukopirwe, kureka omuhandiiki akakora n'amaani kurebeka ngu nikyetegyerezibwa kandi agyerizeho munonga kuguma aha muramwa gw'ekitabo.

Ekigyendererwa eky'Endagaano Ensyा ni: OKUHIKIRIZA

Endagaano Enkuru ekaba eine:

- Emikiro etashoboroire
- Ebígýendererwa bitahikirizibwe
- Ebyetengo bitatungirwe
- Obunaabi butahikirizibwe

Omú Endagaano Ensyा, Kristo ahakahikiriza ebi byoona.

Abeegi baawe bagarukisemu eshuura ezi kuhistya obu baramanye ebitabo ebi ziri kujwekyera. Obegyese okubyijuka kwenda ngu bamanye ebitabo by'Endagaano Esya omu mitendera zabyo.

Ebitabo eby'Endagaano Ensyा

- 4 Engiri
1 Ekitabo eky'Ebyafaayo
13 Ebaruha ezahandikirwe Paulo
1 Omuhandiiki Otari Kumanywa
7 Ebitabo Eby'abahandiikirwe Abandi
1 Ekitabo ekya Eby'Obunabi

4 ENGIRI

- Matayo
Mako
Luka
Yohaana

1 Ekitabo eky'Ebyafaayo

Ebyakozirwe

13 Ebaruha ezi Paulo yahandiikire

- Abarooma
I na II Abakorinso
Abagalatia
Abefeeso
Abafilipi
Abakorosai
I na II Abatesalonika
I ana II Timiseo
Tito
Filemoni

1 Omuhandiiki Otari Kumanywa

Abaheburaayo

7 Abahandiiki Abandi

Yakobo

I na II Petero

I, II, na III Yohaana

Yuda

1 Ekitabo eky'Obunabi

Okushuruurwa

Amabaruha gacwirwemu ebicweka ebindi

Amabaruha ag'Ekanisa

Amabaruha g'Abariisa

Amabaruha ga Boona

Amabaruha g'Amakanisa

Abarooma

I na II Abakorinso

Abagalatia

Abafilipi

Abefeeso

Abakorisai

I & II Abatesalonika

Amabaruha g'Abariisa

I Timiseo

II Timiseo

Tito

Amabaruha ga Boona

Filimoni

Abaheburaayo

Yakobo

I & II Petero

I & II & III Yohaana

Yuda

Tugarukye aha Kutandika:

4 Engiri

Matayo

Kristo nayorekwa nk'Omugabe

Mako

Kristo nayorekwa nk'omuhereza

Luka

Kristo nayorekwa nk'Omwana w'Omuntu

Yohaana

Kristo nayorekwa nk'Omwana wa Ruhanga

Matayo, Mako, na Luka
(Engiri Ezirikureeba hamwe)

Engiri ezi nizoreka eby'amagara ga Mukama waitu hamwe na'gobuntu bwe.

Okukira munonga, ebiyaworekire omu bantu nibituheebwa.
Galilaaya niho yakoreire ebingi.

Yohaana

Nayoreka ebya amagara ga Mukama waitu ag'omwooyo.

Ebi arikugamba omu kihama nibyo biri kworekwa munonga.

Ebingi bikakorerwa Buyudaaya.

Matayo (Eshuura 28)

Omugabe: okuzaarwa omu bukama (ekika kya Daudi)
Neyoreka obuzarwa bwe (1:1-17)

Omushororongo mukuru: Matayo 16:21

Buzima tihaine orikumanya obu kyahandikirwe, kureka kibaasa kuba omu myaka
ya 50 nari kare nka 60 B.O.

Orubazo rwa Yesu owa Nazarensi nirwe ruri kutuha obuhame ku Ari Massia.
Niwe yaresire obukama bwa Ruhanga omunsi kandi niwe Mugabe! Nahikiriza
endagaano ya Ruhanga ey'obusingye buzima n'okukomororwa kwa Omuyudaaya
na Omugriika.

Ebikuru ebi Matayo ari kworeka ni:

Orutindo ahagati y'Endagaano Enkuru n'Ensyा. Nahikiriza ebi kurabira omu
buzaarwa bwe (1:1-17), okuhiriza obunabi bw'Endagaano Enkuru (2:13-23),
kandi nagira ati yahikiriza ekiragiro, kutari kuyeihaho (5:17-20).

Nahistya abantu boona emirimo ye y'okujuna (10:5-6, 28:19)

Ekanisa nk'ekyanga ky'okwikiriza nikishabwa kusingura okushoroora
omunganda kwenda ngu batungye obumwe (11:28, 16:18-19, 28:19)

Ekanisa eine okubaho kwa Kristo kandi eheirwe omurimo omukuru (16:18,
18:15-20, 22:10, 28:19-20)

Hariho enygyesa itaano eziri kubaasa kwetwa emishomo aha bukurasti. Ziri mu
shuura ezi 5-7, 10, 13, 18-20 and 24-25.

Yesu N'Omugabe Waitu.

Mako (Eshuura 16)

Omuhereza: kihandirwe nk'ekikorwa (ebigambo ebirikumanyisa “aho naho” nari “omubwiira” nibikozesibwa munonga)

Eshuura enkuru ni: Mako 10:45

Nebaasa kuba yahandikirwe omu myaka ya 50 B.O.
Obwegyesa (nk'okuturi kukireeba omu kyokureberaho kya Kristo nk'omuhereza) nikyo kigyendererwa kikuru ky'ekitabo eki. Obumwe na Kristo nigwo omutima gw'omweegi. Obwegyesa ahari Kristo nikimanyisa okumwesiga, okumwatura, okukuratira okwegyesa kwe, okureeba emitwarize ye kandi n'okwombekwa obuzare bweitu nawe. Harimu ebituri kurabamu nk'okwangwa nawe nk'oku yabisabiremu.

Mako natworeka ngu:
Yesu n'omuntu (1:25, 34, 44; 3:12, 4:10-12 n'ahandi.)

N'omwana w'omuntu oine amaanii n'obushoborozi kwonka aine
kubonabonesibwa
(1:6-34, 2:3-12, 23-28, 3:11, 5:7, n'ahandi.)

Niwe mwana wa Ruhanga (1:11, 3:11, 5:7, 12:6-8 n'ahandi)

Yesu niwe Mukama (2:28, 12:35-37, 14:62)

Yesu nayeta abakurasi be kweherera nawe (8:34-38, 9:35-37, 10:35-45)

Omushororongo omukuru 10:45 nigugira guti: “Ahabw’okuba omu mazima Omwana w'omuntu taraizire kuherezibwa, kureka okuhereza abandi, n'okuhayo amagara ge kucungura abandi.”

Yesu, ori Omwana W'omuntu, Omwana wa Ruhanga, kandi ori Mukama natworeka:

Oku ori kubaasa kuba omuhereza.

Luka (Eshuura 24)

Omwana w'omuntu: nayoreka Okutandika kwe, entebekanisa ze, obuhereza bwe,
okubonabona kwe, obusinguzi bwe
Nayoreka oburugo bwe (3:23-38)

Omushororongo mukuru: Luka 22:42

Ebaasa kuba yahandikirwe omu mwaka gwa 62 B.O.
Luka akaba nayenda ngu abantu boona bamanye ngu engiri ya Yesu Kristo n'ey'abantu
BOONA. Nakyondooza kandi ahandiika amazima g'Obukristaayo kwenda ngu
abashomi be begyesibwe, bamanye kubahikire. Babaase kuba nibamanya ngu
okwikiririza omuri Yesu Kristo nibatunga Omwooyo Orikwera. Luka akaba ari
omushaho, n'ahabw'ekyo, natuha byoona ebirikukwata aha kuzaara n'okufa nabyoona
eby'ahagati, kurigirira aha kushoma kwe.

Okushoronzya kuri kuti:
Emyaka ya Yesu ey'okutandika (1:5-2:52)

Yesu kweterereza obuhereza (3:1-4:15)

Obuhereza bwa Yesu omuri Galilaaya (4:16-9:50)

Engyendo za Yesu arikuza Yerusalem (9:51 to 19:27)

Obuhereza bwa Yesu omuri Yerusalem (19:28 to 21:38)

Okubonabonesibwa n'okufa kwa Yesu (22:1-23:56)

Okuzooka kwa (24:1-53)

Yesu n'omwana w'omuntu.

*Yesu akaba nakunda kweyeta “omwana w'omuntu”. Nikyorekwa haihi emirundi 78
omu ngiri ina zoona. Nihabaasa kuba hariho enshonga nyaingi z'eki. Nikibaasa kuba
ngu ku arabe yayorekire obuntu, akaba nashoborora n'abantu abuyeizire kujuna.
Nikibaasa kuba kyabeire nikimukwatanisa n'amagara ge g'ensi n'okuhamya kwe
kw'obuntu.*

*Nabwe, Omwana W'omuntu nawe n'akamanyiso k'obwa masiya. Eki kikariga omuri
Danieli 7: 13-14. “...kandi reeba, orikushisha omwana w'omuntu Yaija n'ebicu by'omu
iguru, Yahika Ogwo mukuru owa iranaira, Yaamurikwa omu maisho ge.” “Yaheebwa
obutegyeki, ekitinisa n'obukama, Ngu abantu b'amahanga goona, Obutegyeki bwe
n'obwero byoona obutahwaho, kandi n'obukama bwe n'obutarihwaho.”*

Emyanya endiijo eyi yakikozeiste ni:

“Kwonka mumanye ngu omwana w’omuntu aine obushoborozi aha nsi okusasira ebibi, yahindukira owazingazingirwe yamugira ati... imuka oyekorere engozi yaawe otaahe.” (Mark 2:10)

“Kandi Omwana W’omuntu akaija kusherura n’okuna ekyabuzire.” (Luke 19:10)

“Yaiha aho, yatandika kubegyesa ku omwana w’omuntu ashemereire kubonabonesibwa omuri bingi, n’okwangwa abakuru n’abanyamurwa abakuru n’abahandiiki, n’okwitwa, kandi n’okuzooka bwanyima y’ebiro bishatu.” (Mark 8:31)

“Omwaana W’omuntu ku arizira omu kitinisa kye hamwe na bamaraika be boona, aryashutama aha kitebe kye eky’ekitiinisa,” (Matt. 25:31)

Hariho n’ahandi haingi ahu yakozeise “Omwaana W’omuntu” omu mishororongo. Eki tikirakozeisibwe beegi be kumugambaho, Yesu niwe yakyekozeseize.

Yohaana (Eshuura 21)

Omwaana wa Ruhanga: Buri shuura n’egamba aha kutiina kwe
Terikworeka burugo bwe

Omushororongo mukuru: Yohaana 20:30-31

Ebaasa kuba y’ahandikirwe ahagati y’emyaka 70 na 100 B.O (Yohaana obu yaafa)

Engiri ya Yohaana ecwire bugufu. Yesu niwe Massia owaraganisiibwe, Omwaana wa Ruhanga. Bona abari kumwikiririzamu nibeija kutunga amagara agatahwaho!

Okushoronzya omu bugufu:
Yesu, niwe Kigambo (1:1-18)

Obubonero bw’okworeka ngu niwe Masia (1:9-12:50)

Obujurizi bwa Yohaana omubatiza

Obuhereza bwe omuri Yerusalem, Buyudaaya, Samaria n’omu Bagriika.

Okuhakanisibwa kuruga omu bayudaaya

Okuhingurwaho okw’ahamuheru

Okwangwa abayudaaya

Okusibura kwe hamwe n’esabiiti eyihoreere (12:1-20:31)

Ebigambo bya Yesu ebiyaheire abeegi be ahari kyakiro y’ahamuheru

Okukwatwa kwe, okugyezibwa, okufa, n’okuziikwa

Okuzooka kye, okurebukaho, n’okwohereza abeegi be

Omushororongo mukuru ogwa 20:30-31

Ekigaaniro kye eky'ahamuheru na Petero, n'okugarurwa busya (21:1-25)

Yesu n'omwaana wa Ruhanga.



1 EKITABO EKY'EBYAFAAYO

Eby'akozirwe (Eshuura 28)

Eby'akozirwe entumwa na Omwooyo Orikwera kandi n'okutandika ekanisa

Niky'oreka Yesu Kristo nka Ruhanga ohureire omu magara g'abeikiriza. Ekigambo ekikuru ni kareebi!

Omushororongo mukuru: Eby'akozirwe 1:8

Kibaasa kuba kyahandikirwe omubweiere bumwe na Luka: 62 B.O.

(Reeba okushoronzya kwamagara ga Paulo aheifo)

Okushoronzya kugufu aha kitabo eki:

Yesu okutebekanisa abeegi be, akateemba omu iguru, okWijuza omwanya gwa Yuda
kandi Omwooyo Orikwera aha kiro kya Pentekooti (1:1-2:13)

Eby'akozirwe omuri Yerusaremu (2:14 -5:42)

Eby'akozirwe kurenga omuri Yerusaremu (6:1- 12:25)

Ebyakozirwe omuri Kupuro amashuumma ga Galatia (13:1-14:28)

Obutegyekyi bw'abayudaaya (15:1-35)

Ebyakozirwe omu Buguriika (15:36 -18:22)

Eby'akozirwe omuri Efeso (18:23-21:16)

Obukwatwa bwa Paulo omuri Yerusaremu (21:17-23:35)


Pauo omuri Kaisarea (24:1-26:32)

Kareebi wa Paulo omuri Rooma (27:1-28)

Omwooyo okutandika Ekanisa ye.

EBINTU EBIKURU BY'AMAGARA N'OBUHEREZA BWA PAULO

- Akazarirwa Taruso omuri Kilikia (Byak 21:39; 22:3)
- Akatendekyerwa Yerusaremu (Byak 22:3; reeba na 26:4-5)
- Okurwanisisbwa kw'Ekanisa Eyabandize (Byak 8: 1-3; 9:1-2; 22:4-5; 26:9-11)
- Okuhindurwa (Byak 9:3-19; 22:6-16; 26:12-18)
- Obwiire omuri Buharabu, Damasiko (Byak 9:19-25; II Kor 11:31-33; Gal 1:17)
- Orutayaayo omuri Yerusaremu (Byak 9:26-29; Gal 1:18)
- Okugaruka Taruso (Byak 9:30)
- Okwegyesa ahari Antiokia omuri Siria (Byak 11:25-26)
- Okutwaara ebyokurya Yerusaremu omunjara (Byak 11:27-30; 12:25)
- Evangiri y'okubanza (Byak 13:1-14, 26)
- Obuhereza omuri Antiokia (Byak 14:26-28; 15:35)
- Obutegyeki bwa Yerusaremu (Byak 15:1-29)
- Evangiri y'akabiri (Byak 15:36-18:22)
- Evangiri y'akashatu (Byak 18:23- 21:17)
- Obukwatwa omuri Jerusaremu (Byak 21:27-23:22)
- Okukomwa omuri Kaisarea (Byak 23:23-36, 32)
- Okutwaarwa Rooma (Byak 27:1-28:15)
- Okukomerwa omunju Rom (Byak 28:16-31)
- Okurekurwa n'engyendo ezindi (?) (reeba Tito 1:5; 3:12; I Tim. 1:3; 3:14; II Tim. 4:13, 20; n'obundi Abarom 15: 24,28)
- Okukomwa okw'ahamuheru n'okufa omuri Rooma (II Tim. 1:16-17; 4:6-8, 16-18)



Ebaruha z'Endagaano Ensyā

Okuyamba abakristaayo kubaho ahabwa Yesu.

Amabaruha g'ekanisa gakahandikirwa amakanisa. Amabaruha g'obuburizi gahandikirwa ababurizi kandi amabaruha ga boona gahandikirwa abakristaayo boona. Hoona, ebyahandikirwe byoona nibirungi ahabwa okwegyesa, okutereza, n'okuhana abeikiriza boona (II Tim 3:16)

Ebaruha 13 za Paulo

9 n'ezza amakanisa

3 n'ezza ababurizi

1 n'eya boona

Abarooma (Eshuura16)

Ebaruha y'ekanisa aha bakristaayo omuri Rooma

Neyoreka ku Yesu niwe kuhikirira kwaitu

Omushororongo omukuru: Rom. 1:16-17

Ebaasa kuba yahandikirwe omuri B.O. 57

Paulo natushobororera obwijwire, nobu biraabe bitarahwireyo gye, ahakwegyesa kw'ediini omuri barooma. Ekigambo okuhikirira kikozesiibwe emirundi 55 omu kitabo.

Emitwe yabyo emingi...Ruhanga boona nabacwera orubanja ahakuba boona n'abasiisi, kwonka nabwo nahereza okujuna omu kuhikirira kw'Omwana we (1:18—3:20)

Ekiragiro, obwe ebirungi, tibirikubaasa kusinga amaani g'ekibi (2:12-19)

Okucwa orubanja nikwemerezibwa aha kwikiriza (1:16-4:25)

Okwera okwa nyensya n'amastiko gaabo abarikwestiga Kristo (5:1-8:39)

Ruhanga nimukuru, omuri Kristo, nahikiriza endagaano ze zoona aha mu yudaaya n'omugriika bombi. Buri kimwe nikkorwa nk'oku ataebekaneise. (9:1-11:36)

Abakristaayo nibashabwa kuherezana, okuba abatuuze barungi, okuba abahikirire kandi n'okukundana (12:1-13:14)

Ebikuru ebi nibishangwa omu mishororongo endijo eya Abarooma

Yesu Niwe Kuhikirira Kweitu

I Abakorinso (Eshuura 16)

Ebaruha y'ekanisa aha bakristaayo ba Korinso

Neyoreka Yesu, Omuteran weitu

Omushororongo omukuru: I Kor. 15:3-5

Ebaasa kuba yahandikirwe omu myaka ya 53-55 B.O.

Ekitabo eki nikkwata aha mitwe mingi:

Paulo nayenda ngu abeishemwe batahi be bakore kumwe ngu bahangusye Engiri.

Babaganisibwemu ahabw'amaryo ga bamwe aha bashomesa ba abakristaayo abamaani, abarikushomesa engiri egwire. Nayenda ngu bagire okukundana kandi n'obumwe kwenda gu amaani g'engiri garebukye nk'bwengye oburikuruga ahari Ruhanga, obushema bw'abantu burebukye (Eshuura 1-4).

Hariho enhonga z'obushweere, okutanisibwa omu bushwere, eby'okurya ebiri kuheebwa ebishushani. Nagamba aha bicu ekiri kushweeka n'okuramya okuhikire. Tibashemereire kwimustyia ekiconco kimwe eky'omwooyo kukira ekindi. Bashemereire kwombeka okwikiriza kwabo abateine maani kandi bajurire gye omu maisho g'abatari kwikiriza. (Eshuura 5-14)

Eshuura eziri kwijukwa ni 13, eshuura erikugamba ahari rukundo, na 15, ekirikworeka ebi Kristo yakozire (15:3-5 emishororongo mikuru),

Ebiketekyerezo aha by'okuzooka kuruga obafu biri omushuura ya 15:12-58

Yesu omuteerani waitu

II Abakorinso (Eshuura 13)

Ebaruha y'ekanisa aha bakristaayo ba Korinso

Neyoreka Kristo, Okumarwa kwaitu

Omushororongo mukuru: II Kor. 12:9

Ekahandiikwa nk'omu gwa 55-56 B.O.

Ebaruha egi ekaba eri eya Paulo nk'omuntu. Eijwire okweshengyereza okuri kuruga aha mutima n'ebi'okureberaho ahabw'enki yabeire ari entumwa ya Kristo kandi ahabwenkyi yabonaboine ahabwe. Okubonabona kwa Paulo nikworeka okwehayo kwe ahari Kristo kutari okutahikirira kwe. Okugumisiriza kwe ahagati y'abazigu (kukorwa n'okusima n'okumarwa) niby'oreka amaani g'okuzooka ag'omwooyo. Paulo nagambira Abakorinso ngu kubara mwange, nibaba nibanga Kristo ahabw'okuba obutumwa bwa Paulo, obuhereza n'emicwe y'amagara nibimwe na Kristo. (Eshuura 1-6, 10:1-13:10)

Enshonga ezindi ezi Paulo arikugambaho n'emicwe y'ekanisa n'okushemererwa kwaabo abarikweteisa, (Eshuura 6-7) hamwe n'embabazi z'okugaba (Eshuura ya 8)

Eshuura ya 12 n'emanywa munonga ahabw'okwegyesa kwaayo ah'oku amaani ga Ruhanga gari kushemezibwa omubweremwa bwaitu. Niwe kumarwa kwaitu!

Nitwetenga Yesu wenka. Niwe kumarwa kwaitu.

Abagalatia (Eshuura 6)

Ebaruha y'ekanisa aha Abakristaayo ba Galatia.

Neyoreka Kristo, Obugabe bwaitu

Omushororongo mukuru: Gal. 5:1

Ebaasa kuba yahandikirwe mu gwa 47 nari 48 B.O. kandi n'ebaasa kuba eri emwe aha baruha ezi
Paulo yabandize kuhandiika.

Okufa kwa Kristo kukareeat endagaano nsya kwenda ngu abeikiriza batagyendera omu biragiro
by'abayudaaya. Ebiragiro kuri nibikyetengwa, orubanja rwaitu tikw'ookwikiriza kwonka.
Abakurasi ba Kristo hati nab'okugira amagara n'amaani kandi n'okwebemberwa kw'omwooyo
orikwera.

Kristo atukomoreire kuruga omubuhuuku (5:1) Titwakitamburira omu maani g'omubiri (5:18-
21) kureka tutamburira omu mwooyo oguri kwaana ebijuma (5:22-25).

Yesu Natukomorora kurabira omu Kwikiriza.

Abefeeso (Eshuura 6)

Ebaruha Y'ekanisa aha Abakristaayo ba Efeeso

Neyoreka Yesu Kristo, ori kukwatanisa ebintu byoona

Omushororongo mukuru: Efe.1:7

Ekahandiikwa B.O. 62

Eshuura ishatu ez'okubanza nizoreka oku Kristo yayegarukaneise n'ebihangirwe byoona hamwe
na ahari Ruhanga kandi ku niwe ari owamaai. Ezi eshuura n'ezediini. Eshuura ishatu ez'aha
muheru nizituba engyenderwaho nk'oku turatuure amagara ag'obukristaayo.

Okujunwa N'embabazi omukwikiriza. (Eshuura ya 2)

Ekihama ky'engiri n'oku erikugaita Omuyudaaya n'omugriika. Hamwe na obumwe na
obusingye bwa Kristo. (Eshuura ya 3)

Eby'okureberaho by'okugaitwa kw'omubiri gwa Kristo (Eshuura ya 4)

Amagara mastya omuri Rukundo n'okweherezana (Eshuura ya 5-6)

Rurara ya Ruhanga yoona (Eshuura 6)

Yesu nakwatanisa ebintu byoona.

Abafilipi (Eshuura 4)

Ebaruha y'ekanisa aha bakristaayo ba Filipi

Neyoreka Yesu Kristo, Okwesiima kwaitu

Omushororongo mukuru: Fil: 1:21-22 and Fil 4:8

Ekahandiikwa 62 B.O.

Obutumwa aha bafilipi n'okugarurwamu amaani. Paulo nayoreka okwesiima kwe omuri Kristo
n'okutwakutunga okwesiima okwe. Akaba ari omukihome arikuhandiika ebi.

Reeba emitwe endiijo...

Paulo nagamba aha kukomwa kwe n'okukurestire entunguuka omungiri. Ahari we okugira
amagara ni Kristo kandi okufa n'amagoba. Nitweija kubonabona ahabw'engiri (Eshuura ya 1)

Tushemereire kugira amagara agarikwebembeza abandi. Kristo akatvoreka okutwakukora eki.

Tushemereire kutuura nk'omushana omunsi. Paulo nahereza eby'okurebeaho oku abandi
babasize kukora ebi. (Eshuura ya 2)

Paulo nagira ati tihariho ekintu kyoona ekiri kubaasa kwinganisibwa n'okugira Kristo.
Tushemereire kukuratira eky'okureberaho ekyo. Okuhikirira nikuruga ahari Kristo, tihari abo
abarikuhanisa Engiri. Twiine obutuuze bw'omwiguru. (Eshuura ya 3)

Twesimire omuri Mukama, tuheyo okwerarikirira kweitu ahari Kristo kurabira omu shaara kandi
tugire ebiteekateeko birungi (Eshuura ya 4)

Yesu niwe kwesiima kwaito omumbeera zonna.

Abakolosai (Eshuura 4)

Ebaruha y'Ekanisa aha Abakristaayo ba Kolosai

Neyoreka Yesu Kristo, Amagara gaitu

Omushororongo mukuru: Kol. 2:6 nari 3:4

Ekahandiikwa omu gwa 62 B.O. Paulo akaba ari omukihome arikuhandiika ebi.

Omutwe gw'eki omukuru ni Yesu Kristo niwe Mukama w'ebihangirwe byoona, ebirirkurebwa n'ebitari kureebwa. Acungweire abantu be boona kandi yabeikiriza ngu bagire omukono omuk'yofuka kwe, okuzooka n'okwijuzibwa. Yesu ari ahaiguru y'ebintu byoona.

Paulo nashoborora ou Yesu ari omu shuura ya 1. Kandi ayongyera kurabura ahak nyegyesa ezigwiire eziri omukanisa (Eshuura ya 2). Amaisho gatebwe ahari Kristo n'amagara omuriwe (3:1-4) n'okutuura amagara g'obukristaayo (3:5-4:6)

Yesu aine obukuru, kandi niwe magara gaitu.

I Abatessalonika (Eshuura 5)

Ebaruha y'ekanisa Tessalonika

Neyoreka Yesu Kristo, Orikugaruka

Omushororongo mukuru: I Tes. 4:15-17

Ekahandiikwa ahagati ya 49-51 B.O.

Okugaruka kwa Yesu Kristo nikugambwaho omuri buri shuura y'ekitabo eki (1:10, 2:19-20, 3:13, 4:13-18 and 5:1-11, 23-24.)

Emitwe endiijo ni...

Ekiniga kya Ruhanga nikiza kweija kwonka tikirikweija aha bakristaayo (1:10, 5:4,9)

Abakristaayo bashemereire kugira amagara agasHEMEIRE (3:13, 4:3-8, 5:23) kandi tibashemereire kwehuzya obujunanizibwa bwaabo bw'okukora. (4:9-12, 5:14)

Okufa n'okuzooka kwa Yesu nibyo mastiko g'abakristaayo. (4:14, 5:10)

Yesu ariheihi kugaruka.

II Abatesalonika (3 Eshuura)

Ebaruha Y'ekanisa ya Tessalonika

Neyoreka Yesu Kisto, Mukama waitu orikugaruka

Omushororongo mukuru: II Tes.2:3

Ekahandiikwa bwanyima ya I Tes 49-51 B.O.

Okwija kwa Mukama waitu okwa kabiri kwijwire omukitabo eki nk'okiri omu I Abates. Hoona, ekitabo eki nikigamba okuhareija kubaho obunaku bw'okurwana okw'omuntu orikwetwa omushaija oteine biragiro nari antikristo, okugaruka kwa Kristo kutakabeireho (2:3)

Kristo kwarigaruka (2:8) naija kumweihaho kandi acwere abakristaayo abariba nibabonabonesibwa emanja z'oburyo. Akabi karaizira abo abriba niba babonabenesa kandi n'aha bayangire kwikiriza boona (1:5-10, 2:9-15)

Om u shuura ya 3, Paulo narabura aha kubura eby'okukora. Omuntu yaaba atakozire, atarya. Kureka abakristaayo bashemereire kukuratira entuurra ya Paulo omuri Kristo. Tibashemereire kugira obwooba omukukora ebirungi.

Byoona kubiri hikirira, Yesu Mukama waitu ar'agaruka.

I Timoseo (Eshuura 6)

Ebaruha y'obuburizi

Ekahandiikirwa Timiseo, owabeire ari omu Efeeso

Neyoreka Yesu Kristo, Omushomesa waitu

Omushororongo mukuru: I Tim. 4:12

Ebaasa kuba yahandikirwe ahagati y'emyaka eya-60 B.O.

Om u baruha egi yoona Paulo nagira ati obukristaayo obuhikire nibureeberwa aha ntuura y'omukristaayo, kurigirira aha ngiri. Abebembezi b'ekanisa bashemereire kwebenbeza eky'okureberaho kye. Eky'ekanisa etebekeine n'ekicweka ky'egi entekateeka.

Timiseo ni:

Akajunanwa okurwanisa enyegyesa egwire omushuura 1. N'owokureeba enyegyesa egwire (4:1-5) kandi akahikiria bwisho n'ari kushomesa engiri egwire (Eshuura ya 6). Yesu niwe mwegyesa waitu ohikire.

Enshoborora eheirwe ey'entuura eyombekirwe engiri omushuura ya 2 n'eya 3.

Akagira ngu barebere aha magara ge nk'eky'oreberaho ky'amagara ag'ombekirwe engiri (4:4-16)

Paulo naragiira Timiseo ngu abantu b'ekanisa bashemereire kuha ekitinisa efakazi, abakuru hamwe n'abakama. (5-6:2)

Yesu niwe mwegyesa waitu omu magara gaitu n'omu makanisa gaitu.

II Timoseo (Eshuura 4)

Ebaruha y'obuburizi

Ekahandikirwa Timiseo Paulo arihakye kufa, namuninga obu Paulo yabeire
akomirweogw'akabiri omuri Rooma.

Neyoreka Yesu Kristo, Nk'ekyokureberaho kyaitu

Omushororongo mukuru: II Tim 4:2

Ekahandiikwa omu bunaku ahagati ya 64 na 67 B.O.

Oku n'okwehanangiriza kwa Paulo ngu bagire okugumisiriza omungiri n'omukubonabona.

Akastigwaho abandi boona kwonka akaijuka okwehayo kwa Timiseo. (1:3-5) Ebaruha
n'ey'omuntu buntu kandi n'okwehanangiriza Timiseo ngu agumizemu n'kuba omwesigwa ahari
Kristo kandi n'aha ky'okureberaho kye.

Omushuura ya 2 nagarika agamba aha bashomesa b'ebishuba kandi atanisa timiseo ahari bo.

Ashoborora eyegyesa ezigwire kandi ashab Timiseo kuhamira ahari ekyo ekirungi kandi
atabejwanzyamu.

Nashoborora obwaruhanga omu shuura ya 3 kukira munonga omubiro bye eby'ahamuheru.

Naijustya Timiseo ekigambo kya Ruhanga kandi n'omugasho gwakyo ahabikiriza.

Eshuura ya 4 n'eshaba Timiseo kuburira ekigambo omumbeera zonna nk'oku Paulo yakozire
omu magara ge goona. Abonaboine kandi nareeba rufu yea ku eri haihi.

Yesu niwe ky'okureberaho kyaitu nk'oku tushemereire kutuura omu magara aga.

Tito (Eshuura 3)

Ebaruha y'obuburizi ahari Tito omuri Crete

Neyoreka Yesu Kristo, emitendera yaitu.

Omushororongo mukuru: Tito 3:4-5

Ekahandiikwa nk'ahagati y'emyaka eya-60 B.O.

Paulo abaasa kuba ari aevangiri ye ey'akana ahagati y'okukomwa kwe okw'okubanza
n'okwakabiri.

Omurundi ogundi, abegyesa b'bishuba n'ekizibu omukukikamya ekanisa. Tito akastigwa kureete ahu Paulo yabeire ari, kubayamba kuhamma omukwikiriza. Engiri, nk'okukigambirwe omu 3:3-7, nekozesibwa kupima ebishuba n'amazima.

Eshuura y'okubanza neyoreka okuhikirira kw'abakuzire omukupimwa kw'abegyesa b'ebishuba abeine obubonero oburi shuggana ahari abo.

Paulo nagambira Tito omushuura ya 2 okwegyesa ebihurire, okubikoreramu, kwenda ngu hatagira owabuuza okwesigwa kwe ahari Kristo nari okutikiriza ebi ari kugamba.

Eshuura ya 3 n'eyijustya Tito kwehayo aha beine obushoborozi kandi ayaetebekaniisize kukora emirimo mirungi. Nayijustya Tito oku Kristo yatujunire, tihabw'ebitwakozire, kureka ahabw'embabazi ze. Paulo nahabura okwerinda emihanda y'obushema kandi n'okwerinda abantu abakubikora. Nibimustyा akavuyo kandi n'okwebaganisamu.

Yesu niwe mitendera yaitu y'okutuura kwaitu nk'ekanisa kandi n'okutuura

amagara gaitu.

Filemoonni (Eshuura 1)

Ebaruha ya boona

Neyoreka Yesu Kristo, Mukama kandi Omutegyeki waitu

Omushororongo mukuru: Filem 10-11

Ekahandiikwa 62 A.D.

Ekitabo eki kyeine emishororongo 25 yonka erikworeka Amani g'okuhindurwa busya aga Yesu Kristo omu magara g'omuntu. Onesimus ahungire mukama we, Filemoonni, oine ekanisa omuka ye. Obu yabeire agyenzire, Onesimus akahindurwa omukristaayo kandi akaba nashomesibwa Paulo. Paulo nayeshengyereza Filemoonni ngu amugarure nka mwine ishe omukundwa kandi nk'omuhuuku we. Onesimus tagarukire Ruhanga kyonka kurecaa na mukama we ow'omunsi.

Yesu ni Mukama kandi Omutegyeki waitu.

1 Omuhandiiki Otari Kumanywa.

Abaheburaayo (Eshuura13)

Ebaruha ya boona

Neyoreka Yesu Kristo nka mukuru wa byoona, omunyamurwa, kandi omutonganizi waitu.

Omushororongo mukuru: Heb. 4:12-16

Ebaasa kuba yahandikirwe omwanya mukwe ogwa 70 B.O. gutakahikire. Tiheine ebiro birikumanywa.

Omutwe nigugira ngu Kristo nakira ba maraika boona, abanyamurwa, nari endagaano zoona enkuru. Ebi tihene eki biri kumanyisa omukw'eshushaniriza na Kristo. N'ahabwekyo, taty'omugasho kuteekateka ngu obigarukire. Kikahandiikirwa abaheburaayo abakristaayo ababeire nibamanya endagaano ey'ira.

Nibishoronga biti:

Yesu n'owa'maani ahari ba maraika (1:1-2:18)

Yesu n'owa'maani kukira ebiragiro bya Musa (3:1 to 10:18)

Omukicweka, Kristo nayorekwa nk'omunyamurwa mukuru ori omu muntebekanisa ya

Melchizedek

(4:12 to 8:13). Niwe mutonganizi waitu omu bukama bw'omwiguru, (4:14-16)

Okwetwa kwikiriza n'okugumisiriza nikuheebwa (10:19-12:29)

Ebigambo by'okuhendera (13:1-25)

Ekitabo eki nikigaruramu abeikiriza amaani kuhamira omukwikiriza kwaabo.

Omunyamurwa waitu, kandi omutonganizi waitu, kandi ari ahaiguru ya byoona

7 Ebaruhaza boona Ez'abahandiikirwe Abandi

Yakobo (Eshuura 5)

Ebaruha ya boona

(Yakobo akaba ari mwine ishe wa Yesu Kristo)

Neyoreka Yesu Kristo ku ari omwebembezi waitu – ngu tugire ebikorwa by'ekigambo.

Omushororongo mukuru: 1:22

Ebaasa kuba yahandikirwe omu myaka ya 40s B.O.

Okwikiriza kuryagyezibwa (1:2-18)

Hurira kandi okore Ekigambo (1:19-27)

Ekibi ky'okuguma ahagati (2:1-13)

Okwiriza kuteine bikorwa kufiire (2:14-26)

Okutanga orurimi, obwengye n'okutura omukigambo (3-4:12)

Ebibib by'abatungi (4:13-5:12)

Eshaara yaabo abeine okwikiriza (5:13-18)

Yesu, niwe Ekigambo, natwebembera kukora ekigambo.

I Petero (Eshuura 5)

Ebaruha ya boona

Neyoreka Yesu okwera kwaito kwa nyestya oyihireho okubonabona okwa hati.

Omushororongo mukuru: I Petero 1:3-4

Ekahandiikwa omugwa 62 nari 63 B.O.

Okujunwa aha nikutukora abanya mahanga, konka twine obuhunguzi nyestya (1:3-2:10)

Twaba nitutuura nka abantu be aha, nitija kumuretera ekitinisa omunsi egi ey'ekibi:
(2:11-4:11)

Nituteekwa kugumisiriza omu kubonabona oku (3:13-4:11)

**Yesu natuha ekitinisa kya nyestya omu iguru, nobu turaabe nitubonabona ahabwe
omunsi.**

II Petero

Ebaruha ya Boona

Neyoreka Yesu Kristo Nk'oburugo bw'entuura yaitu y'obwa Ruhanga

Omushororongo mukuru: II Petero 1:2-3

Ebaasa kuba yahandikirwe omu bunaku bw'ahagati ya 64-67 B.O.

Petero, ori kareebi w'ebintu ebi yahadikire, natugira ngu Kristo niwe burugo
bw'entuura y'obwa Ruhanga (1:3-11)

Nayijustya amakanisa goona kutuura amagara g'obwa Ruhanga. Eki n'ekigambo
ky'obunaabi aharibo (1:12-21)

Napima abegyeza b'ebishuba (2:1-22)

Nagira ati eizooba rya Mukama waitu nireija kuhikirira (3:1-13)

**Yesu niwe burugo bw'amagara g'obwa Ruhanga n'okuguma aha muramwa
oyihireho abegyesa b'ebishuba.**

I Yohaana (Eshuura 5)

Ebaruha ya boona

Neyoreka ngu Yesu ni Rukundo kandi omushaa gwaitu

Omushororongo mukuru: I Yohaana 5:13

Ekahandiikwa etarengire omu myaka eya 90 B.O.

Emitwe eshatu mikuru y'amagara g'obukristaayo eyi Yohaana ari kugambah
n'enyegyesa ehikire, okutuura omukworoba kandi n'okwehayo okw'amazima.

Abarikumukuratira nibasingura abinazi ahakuba niwe mushana kandi naki buri mwooyo gwa antikristo omunsi.

Ruhanga niwe Muanda n'Omushana (1-2:6)

Natuha ekiragiro ky'okutugaita, omunsi eshobire! (2:7-17)

Nitubaasa kusingura antikristo turi kwatura Omwaana (2:18-3:10)

Nitubaasa kusingura obwinazi turi kuhurira Yohaana (3:11-4:6)

Twine okuhamya kwa Ruhanga kurabira omuri Rukundo ye (4:7-21)

Nitugira amastiko omu mwaana nk'omuhanda gw'amagara amagara (5:1-12)

Okwikiriza n'okwetegyereza (5:13-21)

Yesu natworeka ngu ni Rukundo kandi omushana ogwakira omuhanda gwaitu.

II Yohaana (Eshuura 1)

Ebaruha ya boona

Neyoreka Yesu ku ari Amazima

Omushororongo mukuru: II Yohaana 1-2

Ekahandiikwa butakahikire ahagati ya 90 B.O.

Omukuru omukitabo eki nashamba ekanisa ku etamburira omumazima hamwe n'ekiragiro eki Yesu yabaheire eky'okutamburira omuri Rukundo. Narabura aha banya bishuba kandi abo bari aba aba antikristo. Nagira ati boona abarituura omunyegyesa za Kristo beine Ishe N'omwaana. Mutikiriza okwegyesa kw'ebishuba.

Yesu niwe Amazima.

III Yohaana (Eshuura 1)

Ebaruha ya boona

Neyoreka Yesu nk'omurungi kandi nk'amazima

Omushororongo mukuru III Yohaana 4

Ekahandiikwa omubwire bumwe na Yohaana I na II, butakahikire ahagati ya-90 B.O.

Ekaba eri ebaruha eyahandikiirwe Gaayo. Yohaana aine okwesiima, ngu omwe aha baana be ariyo nagyendera omu mazima kandi na rukundo! Namugira ati ahe abuhweezi bataahi be abarikukora nawe omu mazima. Nagira ati otahurira abo abari kutoreza

ebirungi, kwonka bari abinazi, nka abaryarya. Weena orikukora ebirungi naruga ahari Ruhanga.

Yesu, ori Murungi, natworeka okutura gyendere omu Mazima.

Yuda (Eshuura 1)

Ebaruha ya bona

(Yuda ni mwiine ishe waa Yesu)

Neyooreka Yesu omurinzi waitu

Omushororongo mukuru: Yuda 24

Ekahandiikwa ahagati y'emyaka eya 60 B.O.

Yuda nagambi abeikiriza kugira okumarwa omukwikiriza kwa Yesu Kristo. Nibeija kugumisiriza n'omu begyesa b'ebishuba. Nibateekwa kubangira kimwe, kandi Yuda nabijustya ngu omubiro by'aha muheru niheija kubaho abashekyi (omsho 17), kwonka nabwo abejustya ngu Yesu naija kubarinda okutengyesibwa kandi aboreke nka abateine rubanja, nk'oku kigambirwe omushuura omu mushororongo omukuru (24)

Yesu nayeta, akunda kandi arinda abantu be ebiro byoona. (omusho 1)

1 Ekitabo Ky'obunabi

Okushuruurwa (Eshuura 22)

Ekahandiikwa entumwa Yohaana

Neyoreka Yesu Kristo omugabe waitu omusinguzi

Omushororongo mukuru: Kush. 1:19

Ebaasa kuba yahandiikirwe omu myaka ya 95 nari 96 B.O.

Okushuruurwa tikitabo ky'obunabi kwonka kureka n'obutumwa, ekiri kumanyisa ngu nikishurura ebintu ebitwakubeire tutari kumanya. Ehandikire omungyero y'obumanyiso. Neshurura orutaro orutari kureebwa orw'omwooyo oru ekanisa erimu. Neyoreka orutaro ahagati ya Ruhanga Kristo na Sitaane n'abatahi be abinazi. Ekitabo eki nikirabura ekanisa kandi kiha n'enshonga ahabwenki eshemereire kugumisiriza kandi ekaguma eshemeire etatokozibwe ebibi by'ensi eyi bari kumanya. Obu oku kuri

okuraba aha mutwe, omwegi nabaasa kukozesa okushoronya okuri ahaifo kwihamu amakuru goona. Okwega gye baibuli nikwija kutuyamba ahari eki.

Ekitebyo (1:1-8) harimu okuranga kw'okwija kwa Omugabe.

Orubazyo (1:9 to 22:5)

Ekitebyo (22:6-21)

Okushoronya nikuruga omushuura 1:19: ebintu ebi Yohaana yarebire (vs.1-20), ebintu ebiriho hati (ebyahandikiirwe amakanisa 7, 2:1 to 3:29), n'ebyo ebiri baho (4:1-22:5).

Omwana gw'entaama hamwe n'ekitabo (4:1-5:14)

Ba malaika n'emburugi kutaho okurabura okwija kw'ekinigina (8:2-11:18)

Obutikirizana ahagati ya Kristo na Sitaane: nikureeta ekishani ky'omukazi, omwaana we, ekijoka hamwe n'enyamaishwa (11:19-14:20)

Enyaabya hamwe n'ekiniga kya Ruhanga ekyahamuheru (15:1-16:21)

Malaaya Babilooni (17:1-19:10)

Okucwekyereza n'okusingura enyamaishwa n'ekijoka, kandi ahamuheru okufa (19:11-20:15)

Ebintu byoona okuhindurwa busya (21:1-22:5)

Ekitebyo (22:6-21)

Eki kirimu endagaano ngu Yesu nagaruka juba, arabura ahakuhindura ekitabo hamwe n'endagaano y'omugisha.

Oyihireho entaro, okuryaana, okutinisiriza, ebishuba,

Yesu n'Omugabe waitu Omusinguzi ebiro byoona!

Amiina kandi Amiina!